

# Kempen Kumpul & Menang 2022 ("Kempen")

## Terma dan Syarat

### Kelayakan

1. Kempen ini dianjurkan oleh Amanah Saham Nasional Berhad (No. Syarikat 197901003200 (47457-V)) ("ASNB").
2. Kempen ini bermula pada 00:00 jam (GMT + 8) 1 Mac 2022 dan berakhir pada 23:59 jam (GMT + 8) 31 Disember 2022 ("Tempoh Kempen"). ASNB berhak untuk mengubah, menangguhkan, menjadualkan semula atau melanjutkan Tempoh Kempen atas budi bicara mutlakanya.
3. Kempen ini terbuka kepada pemegang unit Amanah Saham Bumiputera ("ASB") sedia ada dan baharu kecuali semua kakitangan, pekerja dan keluarga terdekat (pasangan dan anak-anak) kepada kakitangan Kumpulan Permodalan Nasional Berhad (197801001190 (38218-X)) ("PNB") dan/atau entiti-entiti berikut yang mana terpakai:
  - a. PNB;
  - b. ASNB;
  - c. Pelaburan Hartanah Nasional Berhad (198801008611 (175967-W));
  - d. PNB Merdeka Ventures Sdn. Berhad (200001015384 (517991-A));
  - e. PNB Research Institute Sdn. Berhad (198501007000 (139442-U));
  - f. Mana-mana syarikat dan/atau entiti lain yang diluluskan oleh Lembaga Pengarah.
4. Pemegang unit ASB sedia ada adalah pemegang unit berdaftar Akaun Dewasa dan/atau Akaun Remaja ("Akaun ASB") sebelum bermulanya Tempoh Kempen manakala pemegang unit baharu ASB adalah pelabur yang membuka Akaun ASB semasa Tempoh Kempen ("Peserta").
5. Untuk layak menyertai Kempen ini, Peserta mesti memenuhi syarat-syarat berikut:
  - (i) Peserta mestilah membuat pelaburan ASB dengan minimum RM10 dalam Tempoh Kempen;
  - (ii) Peserta mestilah berjaya membuat pelaburan dalam bentuk tunai melalui platform ("Platform") berikut:
    - a. kaunter cawangan ASNB dan ejen-ejen ("Kaunter")
    - b. myASNB iaitu portal ([www.myasnbn.com.my](http://www.myasnbn.com.my)) dan/atau aplikasi mudah alih
    - c. perbank internet ejen-ejen ASNB iaitu Maybank2u, CIMB Clicks, RHBNow, affinOnline, HLB Connect dan AmOnline
    - d. mesin ATM Maybank, CIMB Bank dan mana-mana mesin ATM yang menawarkan transaksi ASB
    - e. mesin kios di cawangan ASNB
    - f. Skim Potongan Gaji ("SPG") (Kerajaan dan syarikat swasta)

- g. Arahan Tetap melalui Maybank dan Bank Simpanan Nasional

### Mekanisme Kempen

1. Apabila Peserta layak menyertai Kempen, Peserta akan memperoleh mata penyertaan (*Entries*) ("Penyertaan") yang mana setiap Penyertaan akan layak untuk cabutan rawak Pemenang Kempen ("Pemenang") melalui sistem komputer yang dikendalikan oleh ASNB bagi memenangi hadiah yang ditawarkan.
2. Amaun pelaburan yang layak untuk Kempen adalah minimum RM10. Untuk amaun pelaburan yang layak, Peserta berhak untuk mengumpul Penyertaan mengikut Platform seperti berikut:

Jadual 1

<b>Amaun Pelaburan Yang Layak</b>	<b>Penyertaan untuk pelaburan di Kaunter</b>	<b>Penyertaan untuk pelaburan melalui Platform digital (myASNB, perbankan internet ejen, mesin ATM, mesin kiosk ASNB &amp; SPG)</b>
Setiap RM1.00	SATU (1)	TIGA (3)

3. Peserta yang layak berhak untuk mengumpul Penyertaan sebanyak mungkin sepanjang Tempoh Kempen.

#### Contoh I:

Peserta A membuat pelaburan ASB berjumlah RM150 di cawangan ASNB pada 1 April 2022 dan RM1,000 melalui portal myASNB pada 25 April 2022.

Jadual 2

Tarikh	Amaun Pelaburan (RM)	Platform	Penyertaan Diperoleh
1 April 2022	150	Cawangan ASNB	RM150 = 150 Penyertaan (Setiap RM1.00 = 1 Penyertaan)
25 April 2022	1,000	myASNB	RM1,000 = 3,000 Penyertaan (3 kali ganda melalui myASNB)

Contoh II:

Peserta B membuat pelaburan ASB di cawangan ejen, melalui myASNB dan SPG berjumlah RM500 setiap bulan.

Jadual 3

<b>Tarikh</b>	<b>Amaun Pelaburan (RM)</b>	<b>Platform</b>	<b>Penyertaan Diperoleh</b>
1 Ogos 2022	100	Cawangan Maybank	RM100 = 100 Penyertaan (Setiap RM1.00 = 1 Penyertaan)
15 Ogos 2022	1,000	Perbankan internet ejen	RM1,000 = 3,000 Penyertaan (3 kali ganda melalui perbankan internet)
26 Ogos 2022	500	SPG	RM500 = 1,500 Penyertaan (3 kali ganda melalui SPG)

### **Hadiah dan Pemilihan Pemenang**

1. Kempen ini menawarkan Hadiah Bulanan dan Hadiah Utama seperti berikut.

a) Hadiah Bulanan

- i) Pemenang Hadiah Bulanan akan dipilih berdasarkan Penyertaan bulanan yang diperoleh oleh Peserta.
- ii) Jika Peserta membuat sebarang jualan balik untuk mana-mana bulan, Peserta tidak layak untuk pemilihan Pemenang bagi bulan tersebut.
- iii) Peserta hanya layak untuk memenangi SATU (1) kali Hadiah Bulanan sepanjang Tempoh Kempen.
- iv) Hadiah bulanan adalah untuk bulan Mac hingga Disember.
- v) Tawaran Hadiah Bulanan adalah seperti di Jadual 4(a) dan 4(b):

Jadual 4(a)

<b>Tempat</b>	<b>Bilangan Pemenang</b>	<b>Hadiah (unit-unit ASB)</b>
Pertama	30	500.00
Kedua	50	300.00
Ketiga	250	150.00

Saguhati	500	50.00
----------	-----	-------

- vi) Hadiah bagi kategori Pelabur Milenial adalah untuk pemegang unit berumur 18 hingga 30 tahun yang membuat pelaburan melalui Platform digital, seperti di Jadual 4(b):

Jadual 4(b)

<b>Kategori</b>	<b>Bilangan Pemenang</b>	<b>Hadiah</b>
Pelabur Milenial	100	e-baucar bernilai RM30

- vii) Peserta yang telah memenangi hadiah di Jadual 4(a), tidak layak untuk pemilihan Pemenang hadiah saguhati di Jadual 4(b). Hadiah tidak boleh ditukar dengan tunai.

b) Hadiah Utama

- i) Kelayakan untuk pemilihan Pemenang bagi Hadiah Utama adalah seperti berikut:
- 1) Peserta mestilah mempunyai minimum 500 Penyertaan terkumpul pada akhir Tempoh Kempen untuk layak dalam pemilihan Pemenang Hadiah Utama melalui cabutan rawak oleh sistem komputer yang dikendalikan oleh ASNB.
  - 2) Peserta mesti mempunyai peningkatan ke atas jumlah pegangan pelaburan ASB iaitu dibandingkan pada tarikh akhir sebelum Kempen pada 28 Februari 2022 dengan pada akhir Tempoh Kempen 31 Disember 2022.
  - 3) Jumlah Pemenang dan Hadiah Utama adalah seperti Jadual 5.

Jadual 5

<b>Tempat</b>	<b>Bilangan Pemenang</b>	<b>Hadiah (unit-unit ASB)</b>
Pertama	1	10,000.00
Kedua	2	5,000.00
Ketiga	3	2,500.00
Saguhati	100	500.00

2. Pemenang Hadiah Bulanan dan Hadiah Utama akan dipilih secara rawak melalui sistem cabutan berkomputer yang diuruskan oleh pihak ASNB.

3. Semua hadiah adalah dalam bentuk unit amanah ASB (kecuali hadiah pada Jadual 4(b)) dan tidak boleh ditukar dengan wang tunai. ASNB berhak menggantikan hadiah dalam bentuk unit amanah ASNB yang lain yang sama nilainya tertakluk kepada terma dan syarat kelayakan pelaburan ke atas Pemenang atas sebab-sebab tertentu dan atas budi bicara mutlaknyanya.
4. Untuk menebus hadiah unit amanah yang dimenangi, Pemenang perlu mempunyai mana-mana tabung unit amanah ASNB. Pelaburan permulaan dan/atau caj berkaitan yang perlu untuk menebus hadiah adalah ditanggung oleh Pemenang.
5. Sekiranya seseorang Pemenang tidak memberi maklum balas dan/atau memenuhi sebarang keperluan berkaitan urusan hadiah dalam tempoh yang ditetapkan selepas dihubungi oleh ASNB melalui sebarang saluran komunikasi yang bersesuaian, ASNB berhak membatalkan kemenangan tersebut.
6. ASNB berhak untuk mengganti dengan hadiah lain yang sama nilainya pada bila-bila masa atas budi bicara mutlaknyanya.
7. Hadiah akan dikreditkan ke dalam akaun unit amanah Pemenang selepas TIGA (3) bulan dari Tempoh Kempen berakhir.
8. Senarai Pemenang akan dimaklumkan oleh pihak ASNB melalui mana-mana kaedah komunikasi yang bersesuaian dan akan disiarkan di laman web ASNB ([www.asnb.com.my](http://www.asnb.com.my)) atau platform media sosial yang diuruskan oleh ASNB.

### **Contoh Pengiraan Mata Penyertaan Terkumpul dan Kelayakan Dalam Pemilihan Hadiah Bulanan dan Hadiah Utama**

Berikut diberikan contoh transaksi kelayakan untuk mendapat mata Penyertaan dan pemilihan Pemenang Hadiah Bulanan dan Hadiah Utama. Contoh adalah untuk transaksi sepanjang Tempoh Kempen daripada 1 Mac 2022 hingga 31 Disember 2022.

Contoh I:

Peserta Kempen	Jumlah ASB (pada 28 Feb 2022)	Senario Transaksi dalam Tempoh Kempen	Jumlah ASB (pada 31 Disember 2022)	Kelayakan Untuk Pemilihan Pemenang Hadiah Bulanan & Utama
----------------	-------------------------------	---------------------------------------	------------------------------------	---

<p><b>Peserta A</b></p> <p>(a) Amaun pelaburan melebihi RM10 pada bulan Mac</p> <p>(b) Tiada jualan balik pada bulan Mac</p>	<p><b>RM20,000</b></p>	<p>Mac:</p> <ul style="list-style-type: none"> <li>• Pelaburan tambahan di cawangan RHB sebanyak RM300 pada 18 Mac 2022</li> </ul> <p>Penyertaan:-</p> <ul style="list-style-type: none"> <li>• RM300 = 300 Penyertaan</li> </ul> <p>April:</p> <ul style="list-style-type: none"> <li>• Pelaburan tambahan pada 4 April 2022 sebanyak RM500 melalui myASNB</li> </ul> <p>Penyertaan:-</p> <ul style="list-style-type: none"> <li>• RM500 = 1,500 Penyertaan (3 kali ganda melalui myASNB)</li> </ul> <p><b>Jumlah Penyertaan April = 1,800</b></p> <ul style="list-style-type: none"> <li>• Jualan balik di ejen sebanyak RM1,000 pada 5 Oktober 2022</li> </ul>	<p><b>RM19,800</b> (peningkatan jumlah ASB)</p>	<p>Hadiah bulanan:</p> <ul style="list-style-type: none"> <li>• Mac - layak (<i>tiada jualan balik</i>)</li> </ul> <p><b>Jumlah Penyertaan Terkumpul pada 31 Disember 2022 = 2,100</b></p> <p>Hadiah Utama:</p> <ul style="list-style-type: none"> <li>• Tidak layak - tiada peningkatan pegangan ASB</li> </ul>
--	------------------------	---	---	--

Contoh II:

Peserta Kempen	Jumlah ASB (pada 28 Feb 2022)	Senario Transaksi dalam Tempoh Kempen	Jumlah ASB (pada 31 Disember 2022)	Kelayakan Untuk Pemilihan Pemenang Hadiah Bulanan & Utama
<p><b>Peserta B</b></p> <p>(a) Amaun pelaburan melebihi RM10</p> <p>(b) Terdapat jualan balik April</p>	<p><b>RM1,000</b></p>	<p>April:</p> <ul style="list-style-type: none"> <li>• Pelaburan tambahan sebanyak RM2,000 di myASNB pada 1 April 2022</li> </ul> <p>Penyertaan:-</p> <ul style="list-style-type: none"> <li>• RM2,000: 6,000 Penyertaan (3 kali ganda melalui myASNB)</li> </ul> <p><b>Jumlah Penyertaan April = 6,000</b></p> <ul style="list-style-type: none"> <li>• Jualan balik di myASNB sebanyak RM500 pada 23 April 2022</li> </ul>	<p><b>RM2,500</b> (peningkatan jumlah ASB)</p>	<p>Hadiah bulanan:</p> <ul style="list-style-type: none"> <li>• April – tidak layak (ada jualan balik)</li> </ul> <p><b>Jumlah Penyertaan terkumpul pada 31 Disember 2022 = 6,000</b></p> <p>Hadiah Utama:</p> <ul style="list-style-type: none"> <li>• Layak – peningkatan jumlah pegangan ASB</li> <li>• Jumlah Penyertaan terkumpul melebihi 500</li> </ul>

--	--	--	--	--

### **Lain-lain Terma dan Syarat**

1. Dengan menyertai Kempen ini, Peserta telah bersetuju dengan Terma dan Syarat Kempen ini. Keputusan ASNB, sebagai penganjur, adalah muktamad dan sebarang rayuan dan/atau pertikaian tidak akan dilayan.
2. Peserta juga bersetuju bahawa melalui penyertaan mereka di dalam Kempen ini, Peserta membenarkan ASNB dan ASNB berhak untuk menggunakan nama, butiran peribadi dan gambar Pemenang untuk tujuan pemasaran, pengiklanan dan publisiti, menurut peruntukan perundangan berkaitan, tanpa membayar sebarang kos atau pampasan.
3. Semua Pemenang Kempen ini bertanggungjawab ke atas segala cukai, kadar, fi atau sebarang bayaran yang mungkin dikenakan ke atas mereka menurut undang-undang berkaitan dengan hadiah-hadiah dan Kempen ini.
4. ASNB tidak akan bertanggungjawab ke atas sebarang kerosakan atau kerugian, samada secara langsung atau tidak langsung, yang berlaku berkaitan dengan Kempen ini. ASNB juga tidak boleh dipertanggungjawabkan jika berlaku sebarang kejadian bencana semula jadi, peperangan, rusuhan, mogok, sekatan, tindakan perindustrian, kebakaran, banjir, kemarau, ribut, pandemik, kegagalan teknikal atau sistem atau sebarang kejadian yang di luar kawalan ASNB.
5. ASNB berhak untuk meminda, memendekkan, membatalkan, menggantung atau menamatkan Kempen ini secara keseluruhan atau sebahagian atau untuk mengubah, memadam atau menambah mana-mana Terma dan Syarat pada bila-bila masa dengan memberi notis bertulis melalui [www.asnb.com.my](http://www.asnb.com.my) atau saluran media sosial ASNB.
6. ASNB berhak untuk menarik semula/membatalkan penyertaan mana-mana Peserta yang tidak mematuhi terma dan syarat seperti yang dinyatakan dan/atau didapati atau disyaki

telah mengganggu proses Kempen atau perjalanan Kempen ini. Gangguan yang dimaksudkan merangkumi kegiatan penipuan yang melibatkan sebarang tipu daya, penipuan dan/atau pemalsuan berkaitan dengan Kempen.

7. ASNB tidak akan bertanggungjawab atau dipertanggungjawabkan atas sebarang kerugian yang ditanggung oleh Peserta yang berpunca secara langsung atau tidak langsung daripada penglibatan Peserta dalam Kempen ini.
8. Terma dan Syarat Kempen ini akan mengatasi mana-mana peruntukan atau kenyataan berkaitan Kempen ini yang terkandung dalam mana-mana bahan-bahan promosi samada bercetak atau elektronik.
9. Terma dan Syarat Kempen ini tertakluk pada undang-undang Malaysia.
10. Sekiranya terdapat sebarang percanggahan atau konflik di antara versi Bahasa Inggeris dan Bahasa Melayu bagi Terma dan Syarat Kempen ini, versi Bahasa Inggeris akan terpakai.

28/02/2022